

**SAKSFRAMLEGG**

Sakshandsamar: Meline Heimdal Haugland	Arkivkode: FA-D11, TI-&10
Arkivsaksnr: 20/998	Løpenr: 22/1270
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	24.02.2022	011/2022

Takst for utlån av Hagabotnane idrettsanlegg til Vaksdal idrettslag seniorfotball**24.02.2022 Kommunestyret:**

Handsaming i møtet:

Rådmannen sitt framlegg vart vedteke med 16 mot 5 røyster.

For	Imot
Knut Harald Frøland (BI)	Linda Haug Kollbotn (Frp)
Lena Tveit (BI)	Odd Arne Haga (Frp)
Anja Elisabeth Gjerde Markhus (BI)	Karl Bård Kollbotn (Frp)
Knut Loneland Høibraaten (BI)	Jon Magne Borgevik (Ap)
Bjarte Linga (BI)	Oskar Røen (MDG)
Ove Totland (BI)	
Øyvind Steinsland (BI)	
Solveig Vassenden (BI)	
Shirin Kvernes Khadoor (Ap)	
Gunn Østvik Petersen (Ap)	
Oddrun Lemme Sandvin (Ap)	
Monica Tjønnå (Sp)	
Øyvind Røen (Sp)	
Gunn Totland Moss (KrF)	
Arild Røen (H)	
Øyvind Strømmen (MDG)	

KS- 011/2022 Vedtak:

Det vert gitt dispensasjon til Vaksdal idrettslag seniorfotball frå takstane for bruk av Hagabotnane idrettsanlegg i samband med treningar og kampar. Dispensasjonen gjelder perioden kor Vaksdal idrettspark vert sett i stand. Føresetnadane er at tidspunkta for trening og kamp ikkje er til hinder for Samnanger idrettslag, og at gjeldene reglar for bruk av anlegget vert følgd. Ved ekstra reinhald i samband med kampar i helgene kan Samnanger kommune fakturere Vaksdal idrettslag seniorfotball

for dei reelle utgiftene. Dette skal avtalast på førehand med administrasjonen.

Rådmannen sitt framlegg til vedtak:

Det vert gitt dispensasjon til Vaksdal idrettslag seniorfotball frå takstane for bruk av Hagabotnane idrettsanlegg i samband med treningar og kampar. Dispensasjonen gjelder perioden kor Vaksdal idrettspark vert sett i stand. Føresetnadane er at tidspunkta for trening og kamp ikkje er til hinder for Samnanger idrettslag, og at gjeldene reglar for bruk av anlegget vert følgd. Ved ekstra reinhald i samband med kampar i helgene kan Samnanger kommune fakturere Vaksdal idrettslag seniorfotball for dei reelle utgiftene. Dette skal avtalast på førehand med administrasjonen.

Dokument som ikkje er vedlagt:

Betalingsregulativ Samnanger kommune – Oversikt over kommunale avgifter og gebyr 2022

Epost frå leiar i Vaksdal idrettslag seniorfotball

Kva saka gjeld:

Vaksdal idrettslag seniorfotball ønskjer å låne kunstgrasbana i Hagabotnane idrettsanlegg til trening, og om mogleg til kamp. Årsaka er store skadar på fotballbana i Vaksdal idrettspark etter uveret som var i januar. Tilstanden på røyrsystemet under bana er dårleg, og det har oppstått eit synkehol. Det er uvisst når dei kan bruke bana igjen, men dei håper den er i orden til haustsesongen.

Ein av årsakene til at Vaksdal idrettslag ønskjer å låne fotballbana i Samnanger er at det er seks innbyggjarar frå Samnanger med på laget. Samnanger kommune har per i dag ikkje eige seniorlag i herrefotball.

Det er ønske om å låne fotballbana til trening to gongar i veka og til kamp èin gong i veka, om mogleg. Kampane vert satt opp der det er ledig kapasitet av kretsen i Norges fotballforbund.

Vaksdal seniorfotball har hatt treningar på Haus og på Espeland. Her har dei ikkje betalt noko for lånet. Vaksdal seniorfotball har tilpassa seg slik at dei ikkje har vore til hinder for dei respektive klubbane sine lag.

I epost frå Vaksdal idrettslag seniorfotball informerer leiaren om at Samnanger idrettslag tidlegare har lånt fotballbana i Vaksdal idrettspark om vinteren. På grunn av at dei brøyter bana og har litt mindre snø enn anlegget i Samnanger om vinteren. Det har ikkje fakturert Samnanger IL for lånet. Vaksdal IL har sjølv stått for brøyting av bana.

Jamfør *Betalingsregulativ Samnanger kommune – Oversikt over kommunale avgifter og gebyr 2022*, vedtatt av kommunestyret 02.12.21 i sak 125/2021, er takstane for bruk av idrettsanlegget som følgjande:

TAKSTAR FOR BRUK AV IDRETTSANLEGGET I HAGABOTNANE	
Kampar for utanbygds lag	7 444
Trening (1,5 time) for utanbygds lag	3 166
Reklame pr m2	1 588

Med vedtekne takstar må Vaksdal IL Seniorfotball truleg å trene andre plassar.

Vurderingar og konsekvensar:

Vaksdal IL seniorfotball er i ein vanskeleg situasjon, og ber Samnanger kommune om hjelp. I tillegg til at det er ein av nabokommunane våre, har dei tidlegare lånt ut eiga fotballbane til Samnanger idrettslag kostnadsfritt. Det er òg seks spelarar frå Samnanger som er med i seniorlaget til Vaksdal, då det ikkje er seniorlag i Samnanger.

Samnanger kommune har høve til å hjelpe Vaksdal IL seniorfotball med å gje dispensasjon frå takstane for bruk av idrettsanlegget til trening og kamp. Det har dessverre ikkje vore høve til å sette opp eit kostnadsoverslag over kva eventuelle driftskostnader ein dispensasjon vil medføra. Det vil truleg ikkje vera snakk om særskilde meirutgifter i vekedagane, då anlegget er i bruk frå før av. Eventuelle vedlikehaldskostnader er ikkje medrekna. Eit alternativ til full dispensasjon er å fakturere kr 1082 ved kampar i helgene, dersom det er behov for ekstra reinhald. I følgje vedtekne betalingsregulativ er dette taksten for ekstra reinhald ved større arrangement for bruk av gymsal/kommunestyresal og kjøkken i kommunale bygg.

Føresetnadane for lån bør vera at tidspunkta for trening og kamp ikkje er til hinder for Samnanger idrettslag, og at gjeldene reglar for bruk av anlegget vert følgd. Fotballbana i Hagabotnane er til dømes ikkje ei heilårsbane som kan brøytast.